



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka d.d. Sarajevo
ID: 4200201050000; P.B.: 01078773

IZVJEŠTAJ O RADU

UDRUŽENJA INŽENJERA I TEHNIČARA ŠUMARSTVA FEDERACIJE BOSNE I HERCEGOVINE UŠIT FBiH ZA 2016. GODINU

U skladu sa Planom rada Udruženja inženjera i tehničara šumarstva Federacije Bosne i Hercegovine za 2016. godinu koji je usvojen na XV. Redovnoj Skupštini Udruženja inženjera i tehničara šumarstva Federacije Bosne i Hercegovine, te u skladu sa Odlukama i Zaključcima Upravnog odbora Udruženja iz 2016. godine, Udruženje je provodilo sljedeće aktivnosti tokom protekle godine:

JACANJE KAPACITETA I UNAPREĐENJE ORGANIZACIJSKE STRUKTURE UDRUŽENJA

- Udruženje je cijelu godinu kroz javne rasprave o Prednacrtu zakona o šumama, Nacrtu zakona, te brojnim dopisima raznim državnim institucijama (Vladi FBiH, FMPVŠ, Parlamentu FBiH itd.) slanjem primjedbi i prijedloga na Prednacrt i Nacrt zakona aktivno učestvovalo u procesima, koji bi doveli do usvajanja Zakona o šumama FBiH, sa ciljem da isti zadovolji osnovni cilj njegovog usvajanja a to je da obezbjedi održivo gazdovanje šumama. Nažalost, kao i prethodnih godina, dopisi Udruženja, primjedbe i prijedlozi izmjena pojedinih članova Prednacrta i Nacrta zakona o šumama FBiH i pored obećanja nadležnih, nisu rezultirali adekvatnom reakcijom i usvajanjem svih primjedbi od strane onih kojima su bili upućeni, osim nekih manje važnih.
- Organiziran sastanak direktora ŠPD/ŠGD FBiH na Laništu-Općina Ključ 18.11.2016. godine, na kojem je učešće uzeo i resorni federalni ministar Šemsudin Dedić.
- Provedena sva procedura za učlanjenje u Svjetsku asocijaciju šumarskih sjekača i učešće na Svjetskom prvenstvu u Poljskoj, ali zbog velike članarine za sada se odustalo od članstva. Ovo pitanje je potrebno detaljno analizirati na sastanku direktora ŠPD FBiH.
- Poslali upit za registraciju za učešćem na COFO 23 - Svjetskoj sedmici šuma koja je održana u Rimu u periodu od 18.-22. jula 2016. <http://www.fao.org/about/meetings/cofo/en/> i Silva Mediterranea, organizacije koje su u okviru FAO. Prijava je išla preko Rima, Budimpešte, Sarajeva, Ministarstva vanjskih poslova FBiH, Ministarstva vanjske trgovine i ekonomskih odnosa BiH, Federalnog ministarstva, poljoprivrede, vodoprivrede i šumarstva, te još nemamo konkretnu informaciju od nadležnih državnih institucija o registraciji, ali ćemo kroz aktivan angažman učiniti sve da do registracije našeg Udruženja dođe u ovim organizacijama, gdje je dozvoljeno aktivno učešće NVO iz svih zemalja.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka d.d. Sarajevo
ID: 4200201050000; P.B.: 01078773

- Aktivni angažman na pokretanju inicijative „plavog dizela“ za registrovane izvođače radova u šumarstvu BiH.
- Bili smo domaćini trojici kolega iz Srednje šumarske škole iz mjesta Bruck de Mur iz Republike Austrije, te im upriličili niz sastanaka sa predstavnicima institucija i preduzeća u KS.
- Učešće na Javnoj raspravi Nacrta općeg dijela Šumarskog programa FBiH održane 10. aprila 2016. godine u velikoj sali parlamentarne Skupštine Bosne i Hercegovine.
- Učešće na Javnoj raspravi po Prednacrta zakona o šumama FBiH održanoj 12.04.2016. godine u Federalnom ministarstvu, poljoprivrede, vodoprivrede i šumarstva.
- Učešće na radionici na temu: „Racionalizacija tehnoloških postupaka prikupljanja šumarskih podataka i upravljanja sa njima u Federaciji Bosne i Hercegovine (Šume BiH)“ – „Streamlining technological methods for the collection and management of forest data in the Federation of Bosnia and Herzegovina“, koja je plod saradnje Česke razvojne agencije, UHUL - Instituta za upljavljanje šumama u Češkoj Republici i JP „Bosanskohercegovačke šume“ Sarajevo.
- Održana jedna redovna Skupština Udruženja, te 5. sjednica Upravnog odbora Udruženja.
- Organizovan 21.11.2016. godine na Laništu-Općina Ključ, seminar na temu: „Plan sječa u okviru ŠGO i njegova realizacija“, u saradnji sa ŠPD „Unsko-sanske šume“ d.o.o. Bosanska Krupa, na kojem je učešće uzeo veliki broj učesnika, zbog aktuelne problematike po ovom pitanju.
- Udruženje inženjera i tehničara šumarstva FBiH je u saradnji sa ŠPD „Srednjobosanske šume“ d.o.o. Donji Vakuf organiziralo 15.12.2016. godine u sali Općine Travnik u Travniku, drugi seminar na temu: „Zdravstveno stanje šuma u Bosni i Hercegovini“, na kojoj je učešće uzelo pedesetak kolega/ica, a prezentatori na seminaru su bile kolege iz ŠPD/ŠGD-a FBiH.
- Udruženje je potpisalo pismo podrške radu Grupe za razvoj FSC standarda BiH čime je steklo članstvo u Konsultativnom forumu, čija je uloga da osigura da proces bude transparentan i da sve interesne grupe koje su zainteresirane za razvoj i implementaciju FSC standarda imaju mogućnost da daju komentare.
- Više puta su na organima Udruženja razmatrane verzije Prednacrta i nacrta Zakona o šumama FBiH, organizovane tematske sjednice po ovom pitanju, te u više navrata nadležnim državnim institucijama dostavljani dopisi po pitanju rješavanja aktuelne problematike u sektoru šumarstva, gdje je Udruženje naglasilo da stavlja sve svoje stručne potencijale Vladi FBiH kod izrade i donošenja Zakona o šumama FBiH.
- Finaliziran projekat „Ekološki kalendar“, finansiran od strane Ministarstva prostornog uređenja, građenja i zaštite okoliša KS.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka d.d. Sarajevo
ID: 4200201050000; P.B.: 01078773

- Nastavljena je dobra praksa proširivanja članstva u Udruženju, dostavljanjem novih pristupnica.
- Radi transparentnosti rada i približavanja aktivnosti rada Udruženja članstvu, Facebook stranica Udruženja se redovno ažurira, dok se na web stranici Udruženja postavljaju samo značajnije aktivnosti.
- Povodom aktuelnih pitanja u šumarstvu FBiH, prije svega nedostatka adekvatne zakonske legislative u oblasti šumarstva FBiH, ugroženosti zdravstvenog stanja šuma, obilježavanja značajnijih ekoloških datuma i dr., predstavnici Udruženja su gostovali na nekoliko televizijskih i radijskih kuća i printanih medija.
- Nije bilo aktivnosti u radu Savjeta šumarskih udruženja Bosne i Hercegovine (SŠU BiH).
- Udruženje je produžilo Ugovor o zakupu poslovnih prostorija na Šumarskom fakultetu u Sarajevu do 31.12.2017. godine pod istim uslovima i cjenama po kvadratu kao i prethodnih godina uz nešto manju kvadraturu nove kancelarije.

OSIGURANJE STABILNE FINANSIJSKE KONSTRUKCIJE ZA FUNKCIONIRANJE UDRUŽENJA

- Izvršeno je potpisivanje i realizacija bilateralnih ugovora o kolektivnom članstvu sa preduzećima šumarstva za 2016. godinu, te svakako treba istaći doprinos svih kolektivnih članova na izmirivanju preuzetih obaveza.
- Apliciran je i odobren projekat fotomonografije “Prašume Bosne i Hercegovine” od strane Fonda za zaštitu okoliša FBiH. Realizacija projekta 2017/18. godina.
- U toku 2016. godine Udruženje nije apliciralo na međunarodne projekte, ali je pripremilo u saradnji sa ŠPD-ovima nešto više od 20 prijedloga projekata koji su dostavljeni Generalnoj direkciji za šumarstvo Republike Turske i organizacijama koje su potpisnice „PLANFOR“ platforme.
- Zahvaljujući kolektivnim i pojedinačnim članarinama, angažmanu predsjednika i članova Upravnog odbora, predsjednika Skupštine i generalnog sekretara Udruženja, izvršena je finansijska konsolidacija i stvorene pretpostavke za dalji kvalitetniji rad Udruženja sa pozitivnim finansijskim rezultatom.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka d.d. Sarajevo
ID: 4200201050000; P.B.: 01078773

**UKLJUČIVANJE UDRUŽENJA U AKTUELNA PITANJA U VEZI ŠUMARSTVA,
JAČANJE SARADNJE NA NACIONALNOM I MEĐUNARODNOM NIVOU
I UNAPRIJEĐENJE ŠUMARSKE STRUKE**

- U organizaciji Udruženja u Sarajevu je 01. juna 2016. godine potpisana „PLANFOR“ platforma, odnosno sporazum devet NVO iz Republike Turske, Albanije i Bosne i Hercegovine, gdje su se strane dogovorile da predstavljaju "Platformu udruženja koja se odnose na prirodu i šumarstvo "PLANFOR", koje će djelovati kao izvršno tijelo ovog partnerstva. PLANFOR se generira uz učešće organizacija civilnog društva iz različitih zemalja. Uspostavom PLANFOR-a provodit će se zajedničke aktivnosti po različitim pitanjima na pripremi i realizaciji zajedničkih projekata iz oblasti zaštiti prirode, poljoprivrede, pčelarstva, prirodnih nepogoda, vodoprivrede, šumarstva, upravljanja zemljištem, klimatskim promjenama, edukaciji djece i omladine itd.
- U organizaciji Udruženja 15.03.2016. godine održan sastanak svih zainteresiranih institucija, preduzeća šumarstva u FBiH i pojedinaca po pitanju Prednacrtu zakona o šumama na kojoj su donešeni zaključci koji su prosljeđeni Skupštini Udruženja.
- Na poziv direktora Sektora za međunarodnu saradnju, obuku kadrova i istraživanja u šumarstvu Generalne direkcije za šumarstvo Republike Turske, troje kolega je uzelo učešće na sastanku šumarske istraživačko-ekspertne grupe Instituta za šumarstvo koji djeluju u okviru Generalne direkcije za šumarstvo Republike Turske u Antaliji u periodu od 02. do 05. februara 2016. godine. Na sastanku su dogovorene stručne ekskurzije naših članova iz oblasti protivpožarne zaštite i uređivanja šuma.
- U koordinaciji sa KJP „Sarajevo šume“, Turskom ambasadom u Bosni i Hercegovini, TIKA-om i Generalnom direkcijom za šumarstvo Republike Turske nastavljene aktivnosti na stvaranju uslova za finalizaciju Projekta „Park šume Prijateljstva“, pri čemu su koordinirane aktivnosti na dolasku materijala i opreme za “Park šumu”.
- Koordiniran projekat donacije protivpožarne cisterne Općini Visoko, koji je realiziran preko Generalne direkcije za šumarstvo i ureda predsjednika Republike Turske.
- Koordiniran dolazak kolege iz Generalne direkcije za šumarstvo Republike Turske, Husejina Hilesiza, dipl.ing.šum. po pitanju dopreme materijala i opreme za projekat “Park šume” i finalizaciju aktivnosti po istom. Upriličen je niz sastanaka kolegi sa predstavnicima institucija i preduzeća šumarstva u KS i FBiH.
- Na poziv Generalne direkcije za šumarstvo Republike Turske jedna kolegica boravila na radionici sa međunarodnim učešćem u mjestu Kirklareli (blizu Istanbula) na temu gospodarenja hrastovima.
- Nastavljeno je kontinuirana korespodencija sa Generalnom direkcijom za šume Republike Turske, kao i Turskom ambasadom u BiH i TIKA-om (Turske agencije za razvoj i saradnju).



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka d.d. Sarajevo
ID: 4200201050000; P.B.: 01078773

- Aktivno učešće na sastancima Grupacije šumarstva i drvne industrije Privredne komore Federacije Bosne i Hercegovine.
- Ostvarena je aktivna saradnja sa Samostalnim sindikatом šumarstva prerade drveta i papira Bosne i Hercegovine.
- Udruženje izražava spremnost da konstruktivno sarađuje sa svim relevantnim subjektima u oblasti šumarstva u zemlji i inozemstvu u cilju očuvanje šumskih resursa i unapređenja razvoja sektora šumarstva u BiH i promociji šumarske struke u javnosti.

**IZDAVAČKA DJELATNOST, STRUČNI RADOVI, OBRAZOVANJE,
SEMINARI I SAVJETOVANJA**

- Štampana su dva dvobroja časopisa Naše šume uz tiraž po 1.000 primjeraka. Za razliku od ranijih godina, evidentan je blagi porast dostavljanja članaka sa terena, dok se naučni i stručni članci dostavljaju redovno i bez problema.
- U saradnji sa Šumarskim fakultetom Univerziteta u Sarajevu uzeli učešće u organizaciji Prvog međukatedarskog skupa u naučnoj oblasti Uređivanje šuma, planiranje gazdovanja šumama, koji je održan u period 27. – 29. oktobar 2016. godine na Čavlama-Igman.
- U izdanju Udruženja štampana knjiga “Varijabilnost hrasta lužnjaka (*Quercus robur* L.) u Bosni i Hercegovini”, autora prof.dr.sc. Dalibora Balliana i dr.sc. Mirzete Memišević-Hodžić. Projekat je finansiran od strane Ministarstva prostornog uređenja, građenja i zaštite okoliša KS.
- U izdanju Udruženja štampana publikacija, zidni kalendar i afiša: “Ekološki kalendar”, koju su pripremili i uredili Smail Karović, dipl.ing.šum. i Azer Jamaković, dipl.ing.šum. Projekat je finansiran od strane Ministarstva prostornog uređenja, građenja i zaštite okoliša KS.
- Učešće na glavnoj sektorskoj konferenciji u Kupresu, a koja je održana 25. i 26. Februara 2016. godine na temu: „Budućnost prerade drva i šumarstva u Bosni i Hercegovini“.

STRUČNE EKSKURZIJE I MEĐUNARODNA SARADNJA

- U saradnji sa Generalnom direkcijom za šumarstvo Republike Turske, petnaest kolega/ica učestvovalo u protivpožarnoj obuci u Međunarodnom trening centru u Antaliji.
- U saradnji sa Generalnom direkcijom za šumarstvo Republike Turske, petnaest kolega/ica učestvovalo u obuci iz „Planiranja u šumarstvu uz primjenu savremenih tehnologija sa GIS aplikacijom” u Međunarodnom trening centru u Antaliji.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ŠUMARSKO UDRUŽENJE FEDERACIJE BOSNE I HERCEGOVINE – UŠIT FBiH
FORESTRY ASSOCIATION OF FEDERATION OF BOSNIA AND HERZEGOVINA
T.R.N.: 1011010000430716 - Privredna banka d.d. Sarajevo
ID: 4200201050000; P.B.: 01078773

- Učešće na 48. EFNS-u Evropskom prvenstvu šumara u nordijskim ski disciplinama koji je održan u Oslu u periodu od 7. do 13. Februara 2016. godine.
- U saradnji sa generalnom direkcijom šumarstva Republike Turske organizirana stručna posjeta Regionalnoj direkciji šumarstva Istanbul u period 30. Oktobara – 05. Novembar 2016. godine na kojoj je učestvovalo 25 šumara Bosne i Hercegovine.
- Učešće na Međunarodnom sajmu šumarstva i lovstva „SILVAREGINA“ Brno, Republika Češka, koji je održan u periodu 03. – 07.04.2016. godine i na kojem je šumarska delegacija brojala 42. učesnika u organizacija UŠIT FBiH.
- Učešće kapitena tima Bosne i Hercegovine na jesenjem sastanku kapitena timova i organizacionog komiteta EFNS-a održanom u mjestu Madona u Latviji u periodu 23. – 25. septembar 2016.

Sve navedene aktivnosti realizovane su uz značajna finansijska ograničenja i manji budžet, imajući u vidu aktuelnu ekonomsku situaciju u BiH i stanje u sektoru šumarstva

Upravni odbor
Udruženja inženjera i tehničara šumarstva
Federacije Bosne i Hercegovine